

ALBERTVS ARCHIEPISCOPVS MOGVNTINENSIS.



Albertus ex illustrissima familia Brandenbur
gēsum natus, frater Iohannī senioris electo
ris & Iohannis filius extitit. natus est anno 1490. die
28 lunij. Eū parentes à teneris annis in literis ac om
nis generis uirtutib us instituerunt, ita ut in uirum
maximū euaserit. Vnde primò canonicus Mogun
tinensis & Treuerensis constitutus fuit. In ea fun
ctiōe sua pietate & uitæ integritate talem se decla
rauit, ut omnes magnam de eo spem conciperent.
Vnde cum Magdenburgensis sedes uacaret, anno
1513 in eius loci Archiepiscopum electus est. Mox
etiam Halberstatensis Episcopatus administratio
committitur. In ijs locis adeò moderate sese gesit,
ut omnibus gratissimus existeret. Sequēti uero anno 1514, cum Vriel Mogun
tinensis præful uita functus esset, lei ob plurimas corporis & animi uirtutes e
tiam eius loci ecclesia cum Electoratus dignitate committitur. id quod hacte
nus nemini aut paucissimis contigerat. Pontifex quoq; Leo huiusmodi ele
ctiones confirmauit.